

§6

VI:31 *šum-ma a-wi-lum*
 VI:32 NÍG.GA DINGIR
 VI:33 ù É.GAL
 VI:34 *iš-ri-iq*
 VI:35 *a-wi-lum šu-ú*
 VI:36 *id-da-ak*
 VI:37 *ù ša šu-úr-qá-am*
 VI:38 *i-na qá-ti-šu*
 VI:39 *im-hu-ru*
 VI:40 *id-da-ak*

šumma awīlum
makkūr ilim
u ekallim
išriq
awīlum šū
iddāk
u ša šurqam
ina qātī-šu
imḥuru
iddāk

§7

VI:41 *šum-ma a-wi-lum*
 VI:42 *lu KÙ.BABBAR*
 VI:43 *lu KÙ.GI*
 VI:44 *lu ÌR lu GÉME*
 VI:45 *lu GU₄ lu UDU*
 VI:46 *lu ANŠE*
 VI:47 *ù lu mi-im-ma šum-šu*
 VI:48 *i-na qá-at DUMU a-wi-lim¹(LUM)*
 VI:49 *ù lu ÌR a-wi-lim*
 VI:50 *ba-lum ši-bi*
 VI:51 *ù ri-ik-sa-tim*
 VI:52 *iš-ta-am*
 VI:53 *ù lu a-na ma-ša-ru-tim*
 VI:54 *im-hu-ur*
 VI:55 *a-wi-lum šu-ú*
 VI:56 *šar-ra-aq id-da-ak*

šumma awīlum
lū kaspam
lū ḥurāšam
lū wardam lū amtam
lū alpam lū immeram
lū imēram
u lū mimma šumšu
ina qāt mār awīlim
u lū warad awīlim
balum šībī
u riksātim
ištām
u lū ana maššarūtīm
imḥur
awīlum šu
šarrāq iddāk

§8

VI:57 *šum-ma a-wi-lum*
 VI:58 *lu GU₄ lu UDU*
lu ANŠE lu ŠAH
 VI:59 *ù lu ^{giš}MÁ*
 VI:60 *iš-ri-iq*
 VI:61 *šum-ma ša i-lim*
 VI:62 *šum-ma ša É.GAL*
 VI:63 *A.RÁ 30-šu*
 VI:64 *i-na-ad-di-in*
 VI:65 *šum-ma ša MAŠ.EN.GAG*
 VI:66 *A.RÁ 10-šu i-ri-a-ab*
 VI:67 *šum-ma šar-ra-qá-nu-um*
 VI:68 *ša na-da-nim la i-šu*
 VI:69 *id-da-ak*

šumma awīlum
lū alpam lū immeram
lū imēram lū šahām
u lū eleppam
išriq
šumma ša ilim
šumma ša ekallim
adi šalāšā'išu
inaddin
šumma ša muškēnim
adi ešrišu irīab
šumma šarrāqānum
ša nadānim lā išû
iddāk